



飯丸

圓圓的物件，細粒、無包餡，叫做「丸」(uân)。有分做食的，像魚丸、貢丸、虱目魚丸、綠豆丸、紅豆丸；用的，像臭丸、塗丸。提來做比喻，疼仔心肝底的像糖霜丸；予人有信心的講是定心丸。較大粒有包餡的叫做「圓」(uân)，像肉圓恰肉丸仔就無全款。

我愛食飯丸，雖然大細粒寸尺無全，好食的滋味攏相嚮(sio-siāng)。細漢較散，無四秀仔錢買糖仔餅仔，兩頓中央(ng)，若大腸告小腸，枹甲擋袂牢，我有一步止枹的方法，就是共手抹鹽，對電鍋挖寡飯囵佇手心，捏(tēnn)予圓圓，有當時仔會較工夫，共掌予細細丸，排蹠𦵇仔(phia-tá)底，一丸一丸，照順序用手拈(liam)咧食，這就是我獨門(tòk-bûn)的秘方。當枹的時，簡單的飯丸有幸福的滋味。

差不多讀高中的時，豆奶擔就開始賣包料的飯丸矣。頭家鋪一个有包布的塑膠橐仔，頂懸先鋪一層薄薄仔的秠米飯，掖(iā)淡薄仔魚酥、菜脯，閣𦵇(kauh)半節酥酥的油炸粿，捏(liáp)做草橄欖形(tshó-kan-ná-hîng)。頭家跤手扭掠，做一粒免半分鐘，我定定買一丸紮去學校，若食無了，毋免沐手，用橐仔共磨的半粒捏做圓形，腹肚枹欲食就有。到上尾一喙嘛攏捏甲圓圓圓，才甘窠入去。飯丸愈食愈細粒，毋過自頭到尾攏圓圓，幸福的滋味加添誠濟趣味。

有一擺，阮大姊對(ui)臺南來臺北揣我坦坦，專工紮一粒包甲足豐沛(phong-phài)的飯丸欲請我。因為路頭遠，彼陣無高鐵，飯丸紮來臺北早就冷去矣。毋過這就是飯丸厲害的所在，冷的嘛全款足好食。哪會包遐濟料？咬一喙隨食著現代的創意。

到這馬，豆奶擔賣的飯丸，口味齊全(tsiâu-tsîng)，十項八項。毋過，我猶是恰意上簡單、有半節油炸粿的彼款。阮查某囷知影我的心理，逐擺攏嘛特別交代頭家，欲買古早味。雖然減遐的料，若像無彩錢，毋過，我無貪飽漢，我是食氣味、支持臺灣米，走揣飯丸幸福恰趣味的記持。

作者：王秀容

☆詞彙學習☆

【臭丸】tshàu-uân：樟腦丸

【糖霜丸】thng-sng-uân：指疼惜的人。

【相嚮】sio-siāng：相同、相像。

【𦵇仔】phia-tá：小盤子

【塑膠橐仔】sok-ka-lok-á：耐熱的塑膠袋。

【秠米】tsùt-bí：糯米

【油炸粿】iû-tsiāh-kué：油條

【草橄欖形】tshó-kan-ná-hîng：橢圓形

【扭掠】liú-liáh：手腳快、動作敏捷。

【沐手】bak-tshiú：沾手。